

Uunga siunnersuut: Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaata allangortinneqarneranik Inatsisartut inatsisaat nr. xx, xx. xxxx 2016-imeersoq
(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

Akissutitut allakkiaq
(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

Aappassaaneerera
Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaata allangortinneqarneranik Inatsisartut inatsisaat nr. xx, xx. xxxx 2016-imeersumut siunnersuutip aappassaaneerananut atatillugu Naalakkersuisut sinnerlugit siunnersuummut tapersersuisoqarnera qujassutigissavara.

Siunnersuutip aallarnisaasunik ineriartortitsinermik ingerlataqarnerit pilersinnissaat periarfissippai, taakkunatigut soorlu pilerisaarinernut, inatsisaasunut naatsorsuutinullu il.il. peqataasut suleqatigiinnermik ilitsersorneqarnermillu pissarsisinnaalersimmagit. Tamakku saniatigut aallarnisaasunik ineriartortitsinermik ingerlataqarnerni peqataasut aallarnisaasut allat taamatut ittunik atugaqartut suleqatiginissaannut periarfissippai. Siunertaq tassaavoq aallarnisaasut aallartinnerminni kukkussutaasarnepaanik atugaqassannginnerat, suliffinnut aallarterlaanut iluatsitsisarnep pitsanngorsarnissaa, aamma aallarnisaasut akunnerminni attaveqarfiliornissaat, taamaalillutik imminnut ikiorsinnaallutillu isumassarsiaqarsinnaagamik. Taamaalilluni aallarnisaasunik ineriartortitsinermik ingerlataqarnernut anguniagaq tassaavoq suliniutini ataasiakkaani siuarsarnerup qularnaarnissaa, taamaalilluni inuiaqatigiinni siuarsarnermik pilersitsilluni.

Inuussutissarsiornermut ataatsimiititaliap isumaqatigiissup siunnersuutip akuersissutiginnissaanik inassuteqarfigisaannik siunnersuummik isumaliutissiisummillu suliaqarneranut Naalakkersuisut qutsavigaat.

Taamatut oqaaseqarlutik Naalakkersuisut siunnersuutip Inatsisartuni aappassaaneernissaanut ingerlateqqippaat.